

این ساتو ریساله یغ کچیل قد پچارا علم توحید  
سوسونن حاج هاشیم بن حاج محمد خادم  
الطلبة بمدرسه الخیریه  
الاسلامیه قوکوء سنا  
کقلا باتس سبرغ  
قراي قولو  
قینغ

Ini Satu Risalah Yang Kecil Pada Bicara Ilmu Tauhid  
Susunan Haji Hashim Bin Haji Muhammad Khadam  
Pelajar Madrasah Al-Khairiyah  
Al-Islamiyah Pokok Sena  
Kepala Batas Seberang  
Perai Pulau  
Pinang

Pengalihan Jawi Kepada Rumi Serta Disusun Semula Oleh:  
Hamba Allah Yang Dhoif Lagi Hina  
Muhamad Rauf bin Minhat

## Muqaddimah

بِسْمِ اللَّهِ الرَّحْمَنِ الرَّحِيمِ

الحمد لله رب العالمين، والصلاة والسلام على سيد المرسلين، وعلى آله وصحبه أجمعين.

Adapun kemudian daripada itu, maka setengah daripada yang wajib atas tiap-tiap mukallaf mengetahui akan dia itu, iaitu:

Bahagian Sifat	Sifat Yang Wajib Bagi Allah	Ertinya	Lawannya Yang Mustahil
Sifat Nafsiyah (1)	Wujud	Ada	Tiada
Sifat Salbiyah (5)	Qidam Baqa' Mukhalafatuhu Ta'ala Lil Hawadits Qiyamuhu Ta'ala Binafsih Wahdaniyah	Sedia Kekal Bersalahan Allah ﷻ bagi segala yang baharu Berdiri Allah ﷻ dengan sendiriNya Esa Allah ﷻ	Baharu Fana' Bersamaan bagi segala yang baharu Berdiri dengan yang lainNya Berbilang
Sifat Ma'ani (7)	Qudrah Iradah 'Ilmu Hayah Sama' Basor Kalam	Kuasa Berkehendak Mengetahui Hidup Mendengar Melihat Berkata	Lemah Tiada berkehendak Jahil Mati Tuli Buta Kelu
Sifat Ma'nawiyah (7)	Kaunuhu Ta'ala Qadiran Kaunuhu Ta'ala Muridan Kaunuhu Ta'ala 'Aliman Kaunuhu Ta'ala Haiyan Kaunuhu Ta'ala Sami'an Kaunuhu Ta'ala Bashiran Kaunuhu Ta'ala Mutakalliman	KeadaanNya Yang Kuasa  KeadaanNya yang berkehendak  KeadaanNya Yang Mengetahui  KeadaanNya Yang Hidup  KeadaanNya Yang Mendengar  KeadaanNya Yang Melihat  KeadaanNya Yang Berkata-Kata	KeadaanNya yang lemah KeadaanNya yang tiada berkehendak KeadaanNya yang jahil KeadaanNya yang mati KeadaanNya yang tuli KeadaanNya yang buta KeadaanNya yang kelu
Sifat Yang Harus Bagi Allah ﷻ (1)		Ertinya	
فِعْلٌ مُمَكِّنٌ أَوْ تَرْكُهُ		Berbuat tiap-tiap mumkin atau meninggal akan dia	

## Sifat-Sifat Allah Yang Wajib Diketahui Setiap Mukallaf

### Pertama: Wujud

Dalil Naqli Bagi Wujud Allah ﷻ. Firman Allah ﷻ:

خَلَقَ اللَّهُ فِي السَّمَوَاتِ وَالْأَرْضِ

Ertinya: “Telah menjadi oleh Allah ﷻ akan tujuh petala langit dan bumi.”

Dalil ‘Aqli Bagi Wujud Allah ﷻ:

Maka iaitu baharu alam ini. Kerana bahawasanya jikalau tiada ada baginya orang yang membaharu akan dia tetapi baharu ia dengan sendirinya, nescaya lazimlah bahawa ada salah satu daripaa dua pekerjaan yang bersamaan keduanya. Bersamaan ia bagi taulannya, lagi lebih ia atas taulannya dengan tiada sebab. Dan iaitu mustahil.

### Kedua: Qidam

Dalil Naqli Bagi Qidam Allah ﷻ. Firman Allah ﷻ:

هُوَ الْأَوَّلُ وَالْآخِرُ

Ertinya: “Ia-lah yang awal dan yang akhir.”

Dalil ‘Aqli Bagi Qidam Allah ﷻ:

Maka kerana bahawasanya jikalau tiada ia qidam, nescaya adalah ia baharu. Dan jikalau ada ia baharu, nescaya berkehendak kepada orang yang membaharu akan dia. Maka lazim jadi daur atau tasalsul. Maka daur dan tasalsul itu mustahil.

### Ketiga: Baqa’

Dalil Naqli Bagi Baqa’ Allah ﷻ. Firman Allah ﷻ:

وَيَبْقَىٰ وَجْهُ رَبِّكَ ذُو الْجَلَالِ وَالْإِكْرَامِ

Ertinya: “Dan kekal oleh zat Tuhan engkau (hai Muhammad), Tuhan yang mempunyai Kebesaran dan Kemuliaan.

Dalil ‘Aqli Bagi Baqa’ Allah ﷻ:

Maka kerana bahawasanya jikalau tiada wajib bagi Allah ﷻ baqa’, nescaya dapat dihubungi akan Dia oleh ‘adam. Tetapi dapat dihubungi akan Dia oleh ‘adam itu mustahil. Kerana bahawasanya jikalau dapat dihubungi akan Dia oleh ‘adam, nescaya nafi daripadaNya qidam. Tetapi nafi daripadaNya qidam itu mustahil, kerana barang yang telah terdahulu daripada wajib qidam bagi Allah ﷻ.